

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

18.06.2015թ.

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ե.Վարապետյան, վերանայելով Վահե Աճառյանի դիմումի հետևանքով արված միջոցառումները

Պ Ա Ր Ձ Ե Ց Ի

2015թ. հունիսի 8-ին Երևան քաղաքի Նորաշեն թաղամասի 14/6 տան բնակիչ Է.Աճառյանը դիմումով հայտնել է, որ 25.05.2015թ. ճանապարհային ոստիկանության տեսուչը կանգնեցրել է իր կողմից վարած ավտոմոբիլը մտածելով, որ ավտոմոբիլը վարում անվտանգության գոտիով չամրակապված և տեսնելով, որ դա այդպես չէ, զարմացել է ու պահանջել փաստաթղթերը: Իր այն հարցին՝ թե ինչու է կանգնեցրել, տեսուչը մի պահ մտածելով հայտնել է թե իբր մի քանի տասնյակ մետր առաջ գիծ է փոխել և թարթիչ չի միացրել: Ըստ դիմումատուի նա տեսուչին հայտնել է, որ չի ընդունում իր չարած խախտումը և չի ստորագրել: Մի քանի օր անց իր հասցեյով ստացել է ԱԹ թիվ 305765 որոշումը, որը խնդրել է անվավեր ճանաչել:

Դիմումի ուսումնասիրությամբ պարզվել է, որ 25.05.2015թ. ժամը 12.30-ին Երևան քաղաքի Արտաշիսյան փողոցում քաղ.Վ.Աճառյանի կողմից վարած «Նիսսան» մակնիշի 81 UV 001 հաշվառման համարանիշի ավտոմոբիլը կանգնեցվել է ճանապարհային ոստիկանության ուղեկցող սպայական վաշտի 2-րդ սպայական դասակի ավագ տեսուչ, ոստիկանության մայոր Վ.Շահբազյանի և նույն դասակի տեսուչ, ոստիկանության ավագ լեյտենանտ Գ.Մադոյանի կողմից ճեկ-ի խախտման համար, այն է՝ վարորդը կատարել է երթևեկության գոտիների վերադասավորում՝ չտալով համապատասխան աղդանշան: Վարորդի նկատմամբ կազմվել է վարչական իրավախախտման վերաբերյալ ԱԹ թիվ 305765 արձանագրությունը, որի հիման վրա կայացվել է որոշում վերջինիս 5.000 դրամ տուգանելու մասին:

Ըստ տեսուչների գրավոր բացատրությունների 25.05.2015թ. ժամը 12.30-ին ն Երևան քաղաքի Բագրատունյաց - Արտաշիսյան փողոցների խաչմերուկում նկատել են, որ «Նիսսան» մակնիշի 81 UV 001 հաշվառման համարանիշի ավտոմոբիլի վարորդը կատարել է երթևեկության գոտիների վերադասավորում՝ չտալով համապատասխան աղդանշան: Տվյալ ավտոմոբիլը սահմանված կարգով կանգնեցնեցնելուց հետո, Գ.Մադոյանը մոտեցել է վարորդին, ներկայացել, հայտնել իրավախախտման բնույթը, պահանջել փաստաթղթերը և կազմել համապատասխան արձանագրություն: Արձանագրությունը կազմելուց առաջ վարորդը հայտարարել է, որ ըստ իրեն նշված խախտման համար տուգանք չի կիրառվում, որին բացատրվել է, որ համաձայն ճեկ-ի 36-րդ կետի նա պարտավոր էր երթևեկության ուղղությունը փոխելուց տալ համապատասխան աղդանշան: Արձանագրությունը կազմելուց հետո վարորդը ծանոթացել է դրանում նշված խախտման բնույթի հետ, նշել է իր անհամաձայնությունը, որից հետո Գ.Մադոյանի կողմից կայացվել է համապատասխան որոշում, սակայն վարորդը հրաժարվել է այն ստանալ և միայն ստանալով փաստաթղթերը հեռացել է: Ինչ վերաբերվում է այն հանգամանքին, թե իբրև նշված ավտոմոբիլը կանգնեցվել է վարորդի կողմից այն անվտանգության գոտիով չամրակապված վարելու համար, ապա ըստ տեսուչների դա իրականությանը չի համապատասխանում, իրենք այն կանգնեցրել են արձանագրված խախտման համար և վարորդի հետ այլ խախտում չեն բնորոշել:

18.06.2015թ. դիմումի քննարկման հրավիրելու նպատակով զանգահարվել է քաղ. Վ.Աճառյանին, ով հայտնել է, որ դիմումի բովանդակությանը ավելացնելու ոչինչ չունի, խնդրել է այն քննարկել իր արացակայությամբ և արդյունքների մասին տալ գրավոր պատասխան:


Համաձայն ճանապարհային երթևեկության կանոնների 36-րդ կետի՝ *երթևեկությունն սկսելուց կամ մանևր կատարելուց առաջ երթևեկության այլ մասնակիցներին նախազգուշացնելու համար վարորդը պետք է տա ազդանշան համապատասխան ուղղության շրջադարձի լուսային ցուցիչով, իսկ եթե այն բացակայում է կամ անսարք է՝ ձեռքով:*

Այսպիսով, կատարված ուսումնասիրություններով պարզվել է, որ քաղ. Վ.Աճառյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 9-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Վահե Աճառյանի դիմումը թողնել առանց բավարարման, իսկ ճանապարհային ոստիկանության ուղեկցող սպայական վաշտի 2-րդ սպայական դասակի տեսուչ, ոստիկանության կապիտան Գ.Սադոյանի կազմած ԱԹ թիվ 305765 վարչական իրավախախտման արձանագրության հիման վրա կայացրած 25.05.2015թ. որոշումը՝ Վահե Աճառյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության ՊՀՎ բաժնի ՎԳ բաժանմունք և դիմումատուին:



Ե.Կարապետյան